

Ilinniarnertuunngorniartimmi ilinniartitsissutit ataasiakkaat, ilassutitut ilinniarnertit imminullu ilinniartittarneq pillugit Namminersorlutik Oqartussat nalunaarutaat

Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi Inatsisartut inatsisaat nr. 4, 30. maj 2014-imeersukkut aamma Inatsisartut inatsisaat nr. 31, 9. december 2015-imeersukkut allanngortinneqartumi § 1, imm. 4 aamma 6, § 1a, imm. 2 aamma § 54, imm. 2 naapertorlugit aalajangersarneqarput:

Kapitali 1

Nassuiaatit siunertallu

Ilinniartitsissutit ataasiakkaat

§ 1. Ilinniartitsissutit ataasiakkaat nalunaarummi matumani tassaatinneqarput ukiut 3 angullugit sivilissusilimmik ilinniarnertuunngorniartimmi ilinniartitsissutit ataatsimik arlalinnilluunniit pikkorissartitsinerit aamma inunnut ilisimasaqarnermik, itisilerinermik, ungavarluni isiginneriaaseqarnermik takorluuisinnaanermillu soqutigisaqartunut sammitinneqartut kiisalu ingerlaqqiffiusumik ilinniagaqarnissaq pingaarnertut siunnerfigalugu nalinginnaasumik peroriartuutaasumik aamma ilinniagaqalernissamut piareersaataasumik ilinniagaqarnerit. Pikkorissarnerup qanoq sivilutiginnissaanut apeqquaaqqut ilinniartitsissutit ataasiakkaat suuneri aamma ilinniarnertuunngorniartimmi neqeroorutaasa suuneri.

Imm. 2. Ilinniartitsissutit ataasiakkaatut neqeroorutigineqarsinnaapput:

- 1) ukiuni pingasuni ilinniarnertuunngorniartimmi ilinniartitsissutit ataaseq arlalinnilluunniit,
- 2) ilinniartitsissutit arlalit ilinniarnertuutut soraarummeertuutaasinnasut,
- 3) ilinniartitsissutit (ilinniartitsissutit ataatsimoortut) Kalaallit Nunaanni sivikitsumik akunnattumillu sivilissusilimmik ingerlaqqilluni ilinniarnissamut isissutaasinnasut, aamma
- 4) ukiuni pingasuni ilinniarnertuunngorniartimmi avataatigut ilinniartitsissutit ataaseq arlalinnilluunniit, tassunga ilanngullugu immikkut aqqissuussamik ingerlatsineq.

Imm. 3. Ilinniarnertuunngorniartimmi ilinniartitsissutit tamarmik ilinniartitsissutit ataasiakkaatut ilinniarneqarsinnaapput.

Imm. 4. Ilinniartitsissutit ataasiakkaat nuna tamakkerlugu piumasaqaataasut malillugit soraarummeernermik naggaserneqassapput.

Imm. 5. Soraarummeerneq ingerlaqqiffusumik ilinniartitaanernut malittarisassat malillugit ingerlaqqilluni ilinniarnissamut isissutaasinnaavoq.

§ 2. Ilinniartitsissutiniq ataasiakkaanik ilinniartitsineri siunertarineqarpoq ilinniartup ingerlaqqilluni ilinniaqarnissaanut imaluunniit suliffeqarfinni periarfissaqarnerulernissaanut tunngavissiisumik nalinginnaasumik peroriartornissaa, ilisimasaqalernissaa piginnaasaqalernissaalu. Ilinniartitsineq ukiuni pingasuni ilinniarnertuunngorniarnermi ilinniartitsissutitut ataasiakkaanut assinguvoq taamalu atuagarsornermut atuinnissamullu sammitinneqarluni. Ilinniartoq suliatigut perorsaanikkullu inerisarneqarnermigut sulianik itisiliisinaanermut ilinnialernissamullu piginnaanngorsarneqassaaq.

§ 3. Ilinniartitsissutiniq ataasiakkaanik ilinniartitsineri ilinniarnertuunngorniarnarfimmi malittarisassat nalunaarutikkut matumuuna allannguutitaqartinneqartut malinneqassapput.

Ilassutitut ilinniarneri

§ 4. Ilassutitut ilinniarneri nalunaarummi matumani tassaatinneqarput ukiut 3 angullugit pikkorissarnerit, siunertarineqarluni ilinniartut ilinniarnertuutut naammassisimasut ingerlaqqillutik ilinniagassamik aalajangersimasumik ilinniagaqalernissamut naammassinninnissamullu naammaginartumik tunngavissaqalernissaasa qulakkeerneqarnissaa.

Imm. 2. Ilassutitut ilinniagaqarnermi ilinniartitsissutit ataasiakkaat imaluunniit ilinniartitsissutit ataatsimoortut ilinniarneqarsinnaapput.

Imm. 3. Ilassutitut ilinniagaqarneq nuna tamakkerlugu piumasaqaataasut malillugit soraarummeernermik naggaserneqassaaq.

Imm. 4. Soraarummeerneq ingerlaqqiffusumik ilinniartitaanernut malittarisassat malillugit ingerlaqqilluni ilinniarnissamut isissutaasinnaavoq.

§ 5. Ilassutitut ilinniagassanik ilinniartitsineri ilinniarnertuunngorniarnarfimmi malittarisassat nalunaarutikkut matumuuna allannguutitaqartinneqartut malinneqassapput.

Imminut ilinniartittarneq

§ 6. Nalunaarummi imminut ilinniartittarneq tassaatinneqarpoq:

- 1) Inuit ukiuni pingasuni ilinniarnertuunngorniarnarlutik nalunaarsimasut aamma ilinniarnertuunngorniarnermi ilinniartitsissummi pineqartumi ilikkagassanut pilersaarut malillugu ilinniartitsissummik ataatsimik arlallinnilluunniit misilitsinnissamut nalunaarsimasut.
- 2) Ilinniarnertuunngorniarnarfimmi ilinniartut Ilinniarnertuunngorniarnarfimmi ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaanni § 9, imm. 1, nr. 6 naapertorlugu imminnut ilinniartittussatut innersuunneqartut.
- 3) Ilinniarnertuunngorniarnarfimmi ilinniartut Ilinniarnertuunngorniartarneq pillugu Inatsisartut inatsisaanni § 54, imm. 2 naapertorlugu nalunaarsimasut ilinniarnerminnik imaluunniit ilinniarnermik ilaanik nammineerluni ilinniarnertut ingerlatsiumallutik.

Imm. 2. Imminnut ilinniartittut neqeroorfigineqassapput ilinniakkat pillugit ilitersorneqarnissamik,

tassunga ilanngullugu ilinniarnertuunngorniarfinni misilitseriaatsit ilinniartitsinerullu imai pillugit paasissutissinneqarnissamik. Imminnut ilinniartittunut ataasiakkaanut eqimattakkaanulluunniit ilitersuisoqarsinnaavoq. Ilitersuineq ilinniartitsissummut nalunaaqqaarnermi ilinniartitsissummut ataatsimut 1 tiimimik naleqarpoq.

§ 7. Imminnut ilinniartittut ilinniarnertuunngorniarfinni ilinniartitaanernut malittarisassatut aalajangersarneqartut nalunaarut manna aqquutigalugu allannguutitaqartut malissavaat.

Kapitali 2

Neqeroorneq inissanillu aqutsineq

§ 8. Ilinniarnertuunngorniarfimmit imaluunniit ilinniarfimmit allamit tamanna pillugu qinnuteqartoqareerneratigut ilinniartitaanermut Naalakkersuisoqarfiup akuersissutigissavaa ilinniarnertuunngorniarfiup imaluunniit ilinniarfiup ilinniartitsissutininik ataasiakkaanik neqerooruteqarsinnaanera, ukiuni pingasuni ilinniarnermi aamma ilassutitut ilinniarnermi ilinniagassatut aaqqissuussaareersut saniatigut. Ilinniarnertuunngorniarfiup ilinniarfulluunniit ilinniartitaanermut Naalakkersuisoqarfimmut qinnuteqaammini ilanngutissavaa akuersissut killilimmik ataavartumilluunniit atuutsikkusunerlugu.

Imm. 2. Qinnuteqaammik nalilersuineri, tassunga ilanngullugu killilimmik ataavartumilluunniit atuutsitsisoqassanersoq nalilersuineri pingaartinneqassaaq ilinniarnertuunngorniarfik ilinniarfulluunniit naammattunik inissaateqarneris, tassunga ilanngullugu ilinniarnermi atorussanik ilinniartitsissusanillu peqarnissaq aamma taakkua pillugit malittarisassat naapertorlugit ilinniartitsissutit ataasiakkaat ilassutitullu ilinniarnertit aaqqissuunneqarsimassapput.

Imm. 3. Ilinniarnertuunngorniarfiit ukiuni pingasuni ilinniarnertuunngorniarnermi ilinniartitsissutininut atuutereersunut tamatigut ilinniartitsissutininik ataasiakkaanik ilinniartussanik tamatigut tigussisassapput, taamaattoq takuuk § 10.

§ 9. Ilinniarnertuunngorniarfiup imaluunniit tassunga atatillugu ilinniarfittut akuerisaasup allap (ilinniarfissatut akuerisaq) ilinniartitsissutininik ataasiakkaanik ilassutitulluunniit ilinniagaqarnissamik neqerooruteqartartup ukiuni pingasuni ilinniarnertuunngorniarnermi klassinut atuutereersunut ilinniartut inississinnaavai, taamaattoq takuuk § 10, imm. 2-mi oqaaseqatigiit aappaat.

Imm. 2. Ilinniarnertuunngorniarfik ilinniarfulluunniit akuerisaasoq ilinniartitsissutininik ataasiakkaanik immikkut ilinniartussanik pilersitsisinnapput immikkut ilinniartussanik pilersitsisinnamut naammaginartumik amerlassusillit qinnuteqarpata, tak. § 10, imm. 1.

Imm. 3. Ilinniarnertuunngorniarfik ilinniarfulluunniit akuerisaasoq immikkut ilassutitut ilinniagaqartussanik pilersitsisinnapput, qinnuteqartut uppersarsinnaappassuk ilinniagaq aalajangersimasumik ingerlaqqiffusumik ilinniagaqarnissamut atorineqartussaasoq, tak. § 15, imm. 3.

Imm. 4. Ilinniarnertuunngorniarfik ilinniarfulluunniit akuerisaasoq klassimik ilinniartitsissutininik ataasiakkaanik ataatsimoortunik ilassutitulluunniit ilinniagassanik ilinniagaqartussanik pilersitsisinnapput, klassimik pilersitsisinnamut naammaginartumik amerlassusillit qinnuteqarpata, tak. § 10, imm. 2.

§ 10. Ilinniarnertuunngorniarfik ilinniarfilluunniit akuerisaasoq ilinniagaqatigiittussanik pilersitsisinnaapput, ilinniartut ikinnerpaamik arfineq pingasut ilinniartitsissutinik ataasiakkaanik ilassutitulluunniit ilinniagaqarnissamik aalajangersimasumik ilinniagaqarusuppata. Ilinniagaqatigiinni tamani ilinniartut amerlanerpaamik 24-usassapput, taamaattoq takuuk imm. 3.

Imm. 2. Ilinniarnertuunngorniarfik ilinniarfilluunniit akuerisaasoq klassimik pilersitsisinnaapput, ilinniartut ikinnerpaamik 16-it ilinniartitsissutinik ataatsimoortunik aalajangersimasunik ilinniagaqarusuppata, taamaattoq takuuk imm. 3. Klassini tamani ilinniagaqartut amerlanerpaamik 24-ussapput, taamaattoq takuuk imm. 3.

Imm. 3. Tamanna pillugu rektorip ilinniarfulluunniit akuerisaasup pisortaata qinnuteqareerneratigut Ilinniartitaanermut Naalakkersuisoqarfup immikkut ittumik pissutissaqartillugu akuersissutigisinnaavaa imm. 1-ip aamma 2-p avaqqunneqarsinnaanera.

Kapitali 3

Ilinniartunngorsinnaaneq, akuerisaaneq qinnuteqartarnerlu

Iserfissaq

§ 11. Ilinniartitsissutinik ataasiakkaanik ilinniarnissaq ilassutitullu ilinniarnissaq kimulluunniit qinnuteqarfup nalaani Kalaallit Nunaanni najugaqartumut ammavoq, taamaattoq tak. imm. 2 aamma 3.

Imm. 2. Qinnuteqartut siusinnerusuklut Kalaallit Nunaanni najugaqareersimasut, ilinniarnertuunngorniarluni ilinniakkamut qinnuteqarnermut naleqqiullugu Kalaallit Nunaanni najugaqavissutut isigineqassapput, Kalaallit Nunaata avataaniinnerat Kalaallit Nunaanni oqartussaasut peqataaffigisaannik isumagineqarnermik imaluunniit ilinniarnermik peqquteqarpat.

Imm. 3. Ilinniarnertuunngorniarluni ilinniagaq qinnuteqartunut Kalaallit Nunaanni najugaqavissuunngitsunut ammavoq, taakku nunat tamat akornanni isumaqatigiissutaasut, Kalaallit Nunaanni atuuttut, naapertorlugit Kalaallit Nunaannit qinnuteqartut assigalugit ilinniartunngorsinnaatitaappata.

Ilinniartussanik tigusineq

§ 12. Ilinniartitsissutinik ataasiakkaanik ilinniagaqarniaraanni piumasaqaataavoq ilinniakkamik ilinniartitsissutinik ataasiakkaanit appasinnerulaartumik ilinniartup malinnaasimanissaa imaluunniit malinnaanissaa.

Imm. 2. Ilinniartup ilinniartitsissutit aalajangersimasumik amerlassusillit ukiumi atuarfiusumi piffissaq tamakkerlugu ilinniarnermut naapertuuttut taamaallaat ilinniagassatut qinnutigisinnaavai.

Imm. 3. Ilinniartitsissutinik ataasiakkaanik ilinniagaqarnissamut qinnuteqartut ukiuni pingasuni ilinniarnertuunngorniarlutik qinnuteqartut inissaannik tiguisinnaangillat.

Imm. 4. Rektori imaluunniit ilinniarfimmi akuerisaasumi pisortap qinnuteqartut ilinniakkatigut piginnaasaannik nunallu immikkoortuini sumi ilinniagaqarusunnerannik ataatsimut nalilersuineq tunngavigalugu aalajangissavaa, tak. § 16, imm. 2, qinnuteqartut sorliit imm. 1-imi piumasaqaatigineqartunik naammassinninersut inissaqartitsineq naapertorlugu tiguneqassanersut, taamaattoq takuuk imm. 3.

Imm. 5. Rektorip imaluunniit ilinniarfimmi akuerisaasumi pisortap tamatumunnga peqatigitillugu aalajangiiffigissavaa qinnuteqartunit sorliit utaqqisunut allattorsimaffimmi salliutillugit allatsissanersut. Qinnuteqartut utaqqisunut allattorsimaffimmi salliutinneqarlutik allatsissimasut salliutinneqarnertik naapertorlugu ilinnialernissamut neqeroorfigineqarsinnaapput, ilinnialersussatut akuerisaasut taamaatiinnarnissartik kissaatigisimappassuk imaluunniit ilinniarnernerup aallartinnerani aallartissimanngippata.

§ 13. Illassutitut ilinniagaqarnissamik akuerisaanissamut piumasaqaataapput:

- 1) qinnuteqartut ilinniarnertuutut imaluunniit tassunnga assingusumik ilinniagaqarnerminnik naammassinnissimasut aalajangersimasumik ingerlaqqiffusumik ilinniarfigerusutaminnut qinnuteqarnissamut ilinniartitsissummik ataatsimik arlalinnulluunniit imaluunniit qaffasissutsimik amigaateqartut,
- 2) qinnuteqartut aalajangersimasumik ingerlaqqiffusumik ilinniarfigerusutaminnut qinnuteqarnissamut piumasaqaatinik naammassinninnissamut ilinniartitsissummik naammassineqareersumik karakteriminnik pitsanngorsaaniartut.

Imm. 2. Illassutitut ilinniagaqarnissamut qinnuteqartut ukiuni pingasuni ilinniarnertuunngorniartut qinnuteqartut inissaannik tiguisinnaanngillat.

Imm. 3. Rektorip imaluunniit ilinniarfimmi akuerisaasumi pisortap qinnuteqartut kajumissuseqarlutik qinnuteqaataannik ilinniakkatigullu piginnaasaannik, taakkununnga ilanngullugit qinnuteqartut ilinniarnissamut qaffasissusaannik imaluunniit ilinniartitsissummi assingusumi ilinniartitsissutiniluunniit ilinniarusutaannik kiisalu siusinnerusukkut ilinniagarisimasaannik inuussutissarsiutigisimasaannillu aamma nunap immikkoortuini sumi ilinniagaqarusunnerannik ataatsimut nalilersuineq tunngavigalugu aalajangissavaat qinnuteqartut sorliit imm. 1-imi piumasaqaatigineqartunik naammassinninersut inissaqartitsineq naapertorlugu tiguneqassanersut, taamaattoq takuuk imm. 2.

Imm. 4. Rektorip imaluunniit ilinniarfimmi akuerisaasumi pisortap aalajangiiffigissavaat qinnuteqartunit sorliit utaqqisunut allattorsimaffimmi salliutillugit allatsissanersut. Qinnuteqartut utaqqisunut allattorsimaffimmi salliutinneqarlutik allatsissimasut salliutinneqarnertik naapertorlugu ilinnialernissamut neqeroorfigineqarsinnaapput, ilinnialersussatut akuerisaasut taamaatiinnarnissartik kissaatigisimappassuk imaluunniit ilinniarnernerup aallartinnerani aallartissimanngippata.

§ 14. Ilinniartitsissutinik ataasiakkaanik ilassutitullu ilinniagassanik pikkorissartut ilinniagaqalernissamik qinnuteqarnerminnut atatillugu aamma ilinniarnernerup nalaani nalunaarutigissavaat qinnuteqartut ilinniartitsissutinik ataasiakkaanik ilinniagaqarusunnerlutik imaluunniit ilassutitut ilinniagaqarusunnerlutik.

Qinnuteqarnermi periutsit

§ 15. Ilinniartitsissutinik ataasiakkaanik ilinniagaqarnissamut aamma ilassutitut ilinniagaqarnissamut qinnuteqarnermi immersugassaq Ilinniartitaanermut Naalakkersuisoqarfimmit akuerisaasoq atorlugu qinnuteqartoqassaaq.

Imm. 2. Ilinniartitaanermut Naalakkersuisoqarfiup akuersissuteqarneratigut nalinginnaasumik qinnuteqarnissamut piffissarititap avataatigut ilinniartussanik tigusinissamut akuersissuteqartoqarpat

ilinniarnertuunngorniarnarfik imaluunniit ilinniarfik akuerisaasoq namminneerlutik qinnuteqarnermi immersugassamik suliaqassapput.

Imm. 3. Illassutitut ilinniagaqarnissamut qinnuteqartut ilanngutissavaat appasinnerulaartumik ilinniagarisimasaminni angusaminnut uppersaasaat siunissami ilinniagarerusutaminnut piumasaqaatitut uppersaasaat aamma kajumissuseqarlutik qinnuteqaatertik siunissami ilinniagarerusutamik nassuiaatitalik.

Imm. 4. Qinnuteqarnissamut piffissarititap ilinniarnertuunngorniartarneq pillugu Namminersorlutik Oqartussat nalunaarutaanni § 3 naapertorlugu ukiuni pingasuni ilinniarnertuunngorniarnissamut nalinginnaasumik qinnuteqarnissamut piffissarititaq malissavaa. Ilinniarnertuunngorniarnarfili ataasiakkaat imaluunniit ilinniarfik akuerisaasoq kingusinnerusukkut qinnuteqarnissamut piffissamik aalajangersaasinnaapput ilinniartitsissutit ataasiakkaat ilassutitullu ilinniarnertit ukiuni pingasuni ilinniarnertuunngorniarnissamut qinnuteqarfissatut periarfissarititaasumit kingusinnerusukkut neqeroorutigineqarpata. Tamanna aamma immikkut ittumik eqikkakkamik ilinniagaqarnissamut atuuppoq.

§ 16. Qinnuteqartup kommunitut najugarivisamini ilinniarnertuunngorniarnarfik imaluunniit ilinniarfik akuerisaasoq salliutillugit ilinnialerfissatut qinnutigissavaa ilinniarnertuunngorniarnarfup imaluunniit ilinniarfup akuerisaasup ilinniartitsissut imaluunniit ilinniartitsissutit neqeroorutigippagit.

Imm. 2. Qinnuteqartup imm. 1 malillugu ilinniarfigisassaraluanit qinnuteqartoq ilinniarnertuunngorniarnarfimmi imaluunniit ilinniarfimmil allami ilinniagaqalerusukkuni ilinniakkatigut piginnaasani inuttullu tunngavigisani ilanngutissavai. Qinnuteqartup qinnuteqaammil pingaarnertutaminik tullerriaarilluni ilisimatitsissutigissavaa ilinniarnertuunngorniarnarfimmi imaluunniit ilinniarfittut akuerisat sorliit ilinniartitsissutinik ataasiakkaanik aamma ilassutitut ilinniagassanik ilinniarusutaminik neqerooruteqarnersut.

Imm. 3. Qinnuteqaat qinnuteqartumit atsiorneqassaaq. Qinnuteqartoq angajoqqaatut oqartussaassusilinnit oqartussaaffigineqarpata qinnuteqaat aamma angajoqqaatut oqartussaassusilinnit atsiorneqassaaq.

§ 17. Ilinniagaqarnissamut qinnuteqaat qinnuteqartup kommunitut najugarivisaani iffissanut, ilitsersuisarnernut pikkorissaqqinnernullu qitiusumik ingerlatsivimmut nassiunneqassaaq, ilinniarnertuunngorniarnarfik imaluunniit ilinniarfik akuerisaasoq nalinginnaasumik qinnuteqarnissamut piffissarititap avataatigut allamik qinnuteqarnissamut piffissaliisimanngippata, allamik piffissaliisimagunik namminneerlutik qinnuteqarnermi immersugassamik suliaqassapput. Pisuni taakkunanil ilinniagaqarnissamut qinnuteqaat ilinniarnertuunngorniarnarfimmut imaluunniit ilinniarfimmul akuerisaasumut ilinniartitsissutinik ataasiakkaanik ilassutitulluunniit ilinniagaqarnissamik neqerooruteqartunut toqqaannartumik nassiunneqassaaq.

Imm. 2. Qinnuteqartut qinnuteqarnermi nalaanni Kalaallit Nunaata avataani aalajangersimasumik najugaqartut akuerisaanissaannut atatillugu kommuni ilaqutariittut attuumassuteqarfiginerusaq angerlarsimaffittut naatsorsuunneqassaaq. Ilaqutariittut attuumassuteqarfigisaq nalinginnaasumik tassaassaaq, qinnuteqartup kingullermik Kalaallit Nunaanniinnermini illoqarfik najugarisimasaa.

§ 18. Ukiuni pingasuni ilinniarnertuunngorniarnissamut qinnuteqaammik nassiussinissamut piffissarititatus aalajangersarneqartoq ilutigalugu qinnuteqartup kommunitut najugarivisaani suliffissanut,

ilitersuisarnernut pikkorissaqqinnernullu qitiusumik ingerlatsiviup qinnuteqaat ilinniarnertuunngorniarmimmi rektorimut imaluunniit ilinniarfimmimmi akuerisaasumi pisortamut qinnuteqartup salliutillugu ilinniarfigerusutaaniittumut nassiutissavaa.

Imm. 2. Kingusinnerpaamik ullormi nassiussiviusumi paasissutissat qinnuteqaammiittut tamaasa suliffissanut, ilitersuisarnernut pikkorissaqqinnernullu qitiusumik ingerlatsiviup elektroniskiusumik database-mut IT-reg-imut immiutissavai.

§ 19. Ilinniartitsissutit ataasiakkaat imaluunniit ilassutitut ilinniagassat kommunimi qinnuteqarnerup nalaani qinnuteqartup najugarisaaniittumi ilinniarnertuunngorniarmimmi imaluunniit ilinniarfimmimmi akuerisaasumi pilersinneqarpata qinnuteqartoq ilinniarnertuunngorniarmimmi imaluunniit ilinniarfimmimmi akuerisaasumi tiguneqassaaq, taamaattoq tak. imm. 3.

Imm. 2. Ilinniartitsissutit ataasiakkaat imaluunniit ilassutitut ilinniagassat qinnuteqartup kommunut najugarivisaani pilersinneqarsimanngippata ilinniarnertuunngorniarmimmi imaluunniit ilinniarfimmimmi akuerisaasumi qinnuteqartup salliutinnerpaallugu ilinniarfigerusutaani aamma ilinniartitsissutinik ataasiakkaanik imaluunniit ilassutitut ilinniagassanik pilersitsiffiusimasumi qinnuteqartoq tiguneqassaaq.

Imm. 3. Qinnuteqartoq ilinniakkatigut piginnaasani inuttullu tunngavigisani pissutigalugit kommunut najugarivisap avataani ilinniarnertuunngorniarmimmi imaluunniit ilinniarfimmimmi akuerisaasumi ilinniagaqalerusuppat, kommunut najugarivisami ilinniarnertuunngorniarmimmi imaluunniit ilinniarfik akuerisaasoq ilinniartitsissutinik ataasiakkaanik ilassutitulluunniit ilinniagassanik neqerooruteqaraluarpuunniit, qinnuteqartoq ilinniarnertuunngorniarmimmi imaluunniit ilinniarfimmimmi akuerisaasumi inissaqarpataq tiguneqarsinnaavoq, aamma rektori imaluunniit ilinniarfimmimmi pisortaq isumaqarpata qinnuteqartup ilinniarnertuunngorniarmimmi imaluunniit ilinniarfimmimmi akuerisaasumi ilinniagaqalerusulluni tunngavilersuutai pingaaruteqartut.

§ 20. Qinnuteqartup salliutillugu ilinniarfigerusutaani ilinniarnertuunngorniarmimmi rektorip imaluunniit ilinniarfimmimmi akuerisaasumi pisortap ukiuni pingasuni ilinniarnertuunngorniarnermi qinnuteqarnissamut piffissarititaasup naannginnerani qinnuteqartoq nalunaarfigissavaa tiguneqarsimanersaq, tassunga ilanngullugu ilinniarnertuunngorniartarneq pillugu Namminersorlutik Oqartussat nalunaarutaanni § 9 naapertorlugu tiguneqarneq piumasaqaatitaqarnersaq imaluunniit ilinniarnertuunngorniartarneq pillugu Namminersorlutik Oqartussat nalunaarutaanni § 10 naapertorlugu naammattunik inissaqarnissaa apeqqutaatillugu nalunaaruteqartoqarnersaq.

Imm. 2. Qinnuteqartup tiguneqarsimasutut nalunaarfigineqarnera ilutigalugu ilinniarnertuunngorniarmimmi imaluunniit ilinniarfimmimmi akuerisaasumi sorlermi qinnuteqartoq tiguneqarsimanersaq pillugu nalunaarfigineqassaaq, qinnuteqartoq ilinniartitsissutinik ataasiakkaanik imaluunniit ilassutitut ilinniagassanik ilinniagaqarnissamut qinnuteqarsimappat, ukunani pilersinneqarsimasunik:

- 1) kommunut najugarivisami ilinniarnertuunngorniarmimmi imaluunniit ilinniarfimmimmi akuerisaasumi, imaluunniit
- 2) kommunut najugarivisap avataani ilinniarnertuunngorniarmimmi imaluunniit ilinniarfimmimmi akuerisaasumi qinnuteqartup salliutinnerpaallugu ilinniarfigerusutaani aamma ilinniartitsissutinik ataasiakkaanik imaluunniit ilassutitut ilinniagassanik pilersitsiffiusimanngitsuni.

Imm. 3. Qinnuteqartoq inissaqarniarnikkut pissutsit tunngavigalugit tiguneqartutut

nalunaarfigineqarsinnaasimanngitsoq rektorimit imaluunniit ilinniarmimmi akuerisaasumi pisortamit nalunaarfigineqassaaq utaqqisuni sallititassanut ilanngunneqartoq.

§ 21. Qinnuteqartut piumasaqaatitalimmik tiguneqarsimasutut nalunaarfigineqartut tiguneqavittutulli nalunaarfigineqarsinnaanngitsut, piumasaqaatitalimmik tiguneqarsimanerat pillugu nalunaarfigitinnerat ilutigalugu ilisimatinneqassapput inissat naammattut apeqquataatillugit tiguneqartut, kiisalu ilinniartitsissutinit ataasiakkaanit ilassutitullu pikkorissarfissanit appasinnerulaartunik ilinniagaqarsimanerat naammassinnissimanerallu apeqquataatillugit tiguneqartut aamma kingusinnerusukkut nalunaarfigineqassasut ilinniarnertuunngorniarmimmi imaluunniit ilinniarmimmi akuerisaasumi sorlermi tiguneqavissinnaanersut.

§ 22. Qinnuteqartup sallititillugu ilinniarmifigerusutaani ilinniarnertuunngorniarmimmi rektorip imaluunniit ilinniarmimmi akuerisaasumi pisortap qinnuteqartut piumasaqaatitalimmik tiguneqarsimanerannik imaluunniit inissat naammattut apeqquataatillugit tiguneqarsimanerannik siusinnerusukkut nalunaarfigineqarsimasut ilinniartussatut tiguneqavissimanersut kingusinnerpaamik 1. juli inaarutaasumik nalunaarfigissavai.

Imm. 2. Qinnuteqartut naammattunik inissaqarnissaaq apeqquataatillugu tiguneqarnissamik siusinnerusukkut nalunaarfigineqarsimasut inaarutaasumillu tiguneqanngitsut nalunaarfigineqassapput utaqqisuni sallititassanut ilanngunneqartut.

Imm. 3. Qinnuteqartut utaqqisuni sallititassanut ilanngunneqartut sallititsinerit naapertorlugit tiguneqartussatut kingusinnerusukkut neqeroorfigineqassapput, ilinniartussatut tiguneqartuni ilinniartunngortinneqarnissamik kissaateqarnermik taamaatitsiinnartoqarpat imaluunniit ilinniarnernup aallartinnerani aallartissimanngippata, tak. Ilinniarnertuunngorniartarneq pillugu Namminersorlutik Oqartussat nalunaarutaanni § 14.

§ 23. Tiguneqavissut tiguneqarnerminnik nalunaarfigineqarnerat ilutigalugu ilinniarnertuunngorniarmimmi imaluunniit ilinniarmimmi akuerisaasumi sorlermi tiguneqarnersut pillugit ilisimatinneqassapput.

§ 24. Qinnuteqartoq tiguneqarnerminik ilisimatinneqarsimasooq ilinniarnernup aallartinnerani ilinniartitsissutinit ataasiakkaanik imaluunniit ilassutitut ilinniagassanik ilinniarluni aallartissaaq, taamaattoq tak. imm. 3.

Imm. 2. Qinnuteqartoq tiguneqarnissamut nutaamik qinnuteqaqqissaaq qinnuteqarfiup nalaani ilinniartitsissutinit ataasiakkaanik imaluunniit ilassutitut ilinniagassanik ilinniarluni aallartitserusunngikkuni.

Imm. 3. Pissutsit immikkut ittut tunngavissaqartitsippata ilinniarnernup aallartinnerata kinguinngua ilinniartitsissutinit ataasiakkaanik imaluunniit ilassutitut ilinniagassanik ilinniarnernup aallartinneqarnissaa rektorip imaluunniit ilinniarmimmi akuerisaasumi pisortap akuersissutigisinnaavaa.

Kapitali 4

Aaqqissuussaanera imarisaalu

§ 25. Ilinniartitsissutininik ataasiakkaanik ilassutitullu ilinniagassanik ilinniarneq nalinginnaasumik aallartissaaq ukiup ilinniartitsiviusup aallartinnerani naammassissallunilu ukiup ilinniartitsiviusup naanerani, taamaattoq tak. imm. 2.

Imm. 2. Ilinniartitaanermut Naalakkersuisoqarfiup pissutsit immikkut ittut tunngavissaqartitsippata ilinniarnertuunngorniarfimmit imaluunniit ilinniartitsissutit akuerisaasumit qinnuteqartoqarneratigut ilinniartitsissutit ataasiakkaat ilassutitullu ilinniagassat ilinniarnep aallartinnerani ilinniartitsissutigineqannginnissaat aalajangersinnaavaa.

§ 26. Ilinniartitsissutit ataasiakkaat ilassutitullu ilinniagassat ilinniartitsissutigineqarnissaannut apeqqutaapput ilinniartitsissutit pineqartut tiimini qassini ilinniartitsissutigineqarsinnaanerani kiisalu ilinniarnertuunngorniarfiup imaluunniit ilinniartitsissutit akuerisaasup taakkunannga qanoq neqerooruteqarnerat aqqissuussaqaarnerallu.

§ 27. Ilikkagassatut pilersaarutit pillugit malittarisassat Ilinniarnertuunngorniarfimi ilikkagassatut pilersaarutit pillugit Namminersorlutik Oqartussat nalunaarutaanni §§ 1-7-ni, § 8, imm. 1-imi, § 11, imm. 2-mi, §§ 14-16-ini, §§ 18-25-ni, § 27, § 28, imm. 1-imi aamma §§ 29-31-ni malittarisassat malippaat.

§ 28. Ilinniartitsissutininik ataasiakkaanik ilassutitullu ilinniagassanik ilinniartitsineq internetikkut ilinniartitsissutissatut ilinniartumut neqeroorutigineqarsinnaavoq.

Imm. 2. Ilinniartitsissutit ilinniarnertuunngorniarfimi imaluunniit ilinniartitsissutit akuerisaasumi ilinniartup § 19 malillugu ilinniartitsissutit qinnuteqarfigisimasaani neqeroorutigineqanngippat imaluunniit ilinniartup ilinniartitsissutit malinnaaniarluni illoqarfiup allammut nuunnissaa ajornarpat imaluunniit siunertamut naapertuutinngippat ilinniartup naammagisariaqarpaa ilinniartitsissutit internetikkut ilinniartitsissutit neqeroorutigineqarnera. Ilinniartulli piumasarsinnaavaa ilinniartitsissutit ataasiakkaat imaluunniit ilassutitut ilinniagassat internetikkut ilinniartitsissutit neqeroorutigineqarnissaat.

§ 29. Ilinniartitsissutininik ataasiakkaanik ilassutitullu ilinniagassanik pikkorissartut ukiuni pingasuni ilinniarnertuunngorniarfimi klassinut pilersinneqareersimasunut ilanngunneqartut suleqatigiiaani ilinniartitsissutit akuerisaasumi aqqissuussamut klassini pineqartuni atuutereersumut ilaatinneqassapput.

Imm. 2. Ilinniartitsissutininik ataasiakkaanik ilassutitullu ilinniagassanik pikkorissartut tunngatillugu rektorip imaluunniit ilinniartitsissutit akuerisaasumi pisortap ilinniartitsissutit ilinniartitsissutit arlalinnik ilinniartitsissutit isumaginnittussanik inuttaqartut katitissavai.

Imm. 3. Ilinniartitsissutit ilinniartitsissutit pillugu malittarisassat allat Ilinniarnertuunngorniarfip pillugu Inatsisartut inatsisaanni § 38, imm. 2-5-ini malittarisassanik malinnissapput.

§ 30. Ilinniarnertuunngorniarfik imaluunniit ilinniartitsissutit akuerisaasut ilinniartutut ataasiakkaanut tapersuisassaaq, siunnersuisassalluni aamma ilinniartitsissutit ataasiakkaat imaluunniit ilassutitut pikkorissarnissat kiisalu ilinniagassatut inuussutissarsiutissatullu toqqakkat naammassineqarnissaannut ilitsersuisassalluni. Suliassat tamakkiisumik ilaannakortumilluunniit piffissap ilinniartitsissutit skemaqartup avataani isumagineqarsinnaapput.

Imm. 2. Rektorip imaluunniit ilinniartitsissutit akuerisaasumi pisortap qulakkiissavaa ilinniartitsissutit akuerisaasumi ilinniartitsissutininik ataasiakkaanik imaluunniit ilassutitut ilinniagassanik ilinniartitsissutit

suliassat periutsillu pillugit ilitersuisoqarnissaa. Aamma rektori imaluunniit pisortaq ilitersuinerup aaqqissugaanissaa pilersaarusiorneqarnissaalu pillugit aalajangiissaaq.

Imm. 3. Ilinniarteq siunnersuinerup ilitersuinerup, *imm. 1* naapertorlugu ingerlanneqartumut peqataasussaataavoq.

§ 31. Angusimasani ilinniarnermut allamut nuussisarnermi malittarisassat ilinniarnertuunngorniartimmi angusimasani ilinniarnermut allamut nuussisarneq allatullu atuartitsinerup peqataannginnissaq pillugu Namminersorlutik Oqartussat nalunaarutaanni §§ 1-3-ni, § 13-imi aamma § 19-imi malittarisassat malissavaat.

§ 32. Angusimasani ilinniarnermut allamut nuussineq taamaallaat ilaannakortumik nuussinertut atuutsinneqarsinnaavoq.

§ 33. Ilaannakortumik angusimasani ilinniarnermut allamut nuussinerup kingunerisinnaavaa ilinniartup taamaallaat ilinniartitsissummik imaluunniit ilinniartitsissutini misilitsinnera.

Kapitali 5

Ilinniarnermi ileqqorissaarnissamullu malittarisassat

§ 34. Ilinniarnermi ileqqorissaarnissamullu malittarisassat ilinniarnertuunngorniartimmi ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaanni §§ 1-8-ni, §§ 10-11-ni malittarisassat malippaat.

§ 35. Ilinniartumut ilinniarnertuunngorniartup imaluunniit ilinniartup akuerisaasup ilinniarnermut ileqqorissaarnissamullu malittarisassaanik malinninngitsumut perorsaanikkut avoqqaarineq rektorimit imaluunniit ilinniartup akuerisaasup pisortaanit naammanngitsutut isigineqarpat iliuuserisassat makku atorineqarsinnaapput:

- 1) Mianersoqqussut.
- 2) Aaqqissuussani ingerlataniluunniit aalajangersimasuni peqataaqqusinnginneq.
- 3) Ukiup ilinniartup ingerlanerani piffissani sivikinnerusuni atuartitsinerup peqataanngikkallartitsineq.
- 4) Nammineq ilinnialersussatut innersuussineq.
- 5) Ilinniartimmiit peersitaaneq (anisitaaneq).

Imm. 2. *Imm. 1*, nr. 4-5 naapertorlugit aalajangiinerit misilitsinnerit ingerlanneqarnissaannut ukiumoortumik pilersaarutit tamanut saqqummiunneqarnissaani kingusinnerpaamik qaammat ataaseq sioqqullugu aalajangerneqartassapput.

Imm. 3. Iliuuserisat ilinniarnertuunngorniartup imaluunniit ilinniartup akuerisaasup ilinniarnermi ileqqorissaarnissamullu malittarisassaanik unioqqutinneqartumut naleqquttuussaaq.

Kapitali 6

Naliliisarneq nalilersuisarnerlu

Naliliisarneq

§ 36. Nalilersuinermi Greenlandic Grading System skala atorlugu karakteriliisoqartassaaq.

§ 37. Misilitseriaaseq apeqqutaatinnagu ilinniartut ataasiakkaarlutik naliliiffigineqassapput.

§ 38. Suliassat annertuut tamarmik immikkullu suliat pikkorissartunit pilersaarusoqataaffigineqartut immikkut nalilersuiffigineqartassapput.

Ingerlaavartumik naliliineq

§ 39. Ilinniarnerup sivilissusaa apeqqutaatinnagu ilinniartup ilinniartinneqarnermini pissarsiai pillugit ingerlaavartumik nalilersuisoqartassaaq.

Imm. 2. Naliliinerup ilinniartup nammineq imminut nalilerneru ilaatinneqassaaq.

§ 40. Naliliinerup imarissavai ilinniartup angusanut tunngatillugu karakterii, ilinniartup iluani misilitsinnermi karakterii aamma oqaasiinnakkut allakkatigullu oqaaseqaatit kiisalu ilinniartup ilinniartinneqarnermini pissarsiai allat.

§ 41. Angusanut tunngatillugu karakterit tassaapput, ilinniartitsissummi pineqartumi ilinniakkatigut ilisimasassani anguniakkanik, ilikkagassatut pilersaarummi paasinninnermut periutsinullu tunngatillugu ilinniartut ataasiakkaat karakteriliinerup nalaani qanoq pivirusnngortitsitiginerannik oqariartuutit.

§ 42. Ilinniartup iluani misilitsinnermi karakterip oqariartuutigaa ilinniartut ataasiakkaat suliaqissummut naleqqiullugu ilinniakkatigut ilisimasassani anguniakkanik, paasinninnermut periutsinullu tunngatillugu qanoq pivirusnngortitsitiginerat.

§ 43. Oqaasiinnakkut allakkatigullu oqaaseqaatit oqariartuutigaat ilinniartut ataasiakkaat suliaqissummut naleqqiullugu ilinniakkamili pineqartumi ilinniakkatigut ilisimasassani anguniakkanik, paasinninnermut periutsinullu tunngatillugu qanoq pivirusnngortitsitiginerat. Tassunga ilaassaaq ilinniartup angusaanut tunuliaqutaasut pillugit nassuiaat, aammalu ilinniartup ilinniartitsissummi pineqartumi qanoq sulinerminik ingerlatseqqissinnaanera pillugu nassuiaammik ilaqarsinnaalluni.

§ 44. Ingerlaavartumik naliliisarnerup ilinniartoq nammineq siumukassusianik paasissutississavaa, tassuunakkut ilinniartup ilikkariartoqqinnera ineriartorneralu pillugit ilitsersuinissamut pilersarusiornissamullu tunngavissisoqatigullugu. Tamatuma saniatigut naliliinerup isumannaassavaa, 1) ilinniagaqartup ilinniartitsissutit qaffasissusaasigut qanoq inissisimanini ilisimassagaa, nammineq ilinniarnernik ingerlatsinissaminut ineriartornissaminullu tunuliaqutassatut, 2) ilinniagaqartup misilitsinnissamut namminerlu ineriartornerminik ilikkakkatigullu nalilersuisarnissaminut sungiusarneqarnissaa, 3) ilinniartitsisup aamma ilinniarnertuunngorniarfup imaluunniit ilinniartup akuerisaasup ilinniartinneqarnermini pissarsiaasa ineriartornerat ataatsimut isigalugu malinnaaffigissagai, 4) ilinniartitsisup aamma ilinniarnertuunngorniarfup imaluunniit ilinniartup akuerisaasup ataatsimut

isigalugu ilinniartitsinermi ilinniartup pissarsiaanik tassunga ilanngullugu ilinniartup ilinniarnermik naliliineranik ilisimatinneqarnissaat,

5) ilinniartitsisup aamma ilinniarnertuunngorniarfiup imaluunniit ilinniartup akuerisaasup ilinniakkat sammivissaannik toqqaanissaq, ilinniartitsissutini qinigaqarnissaq ilinniartitsissutillu qaffasissusaat eqqarsaatigalugit ilinniagaqartup ilinniarnermi ingerlaqqinnissaa ineriartoqqinnissaalu ataatsimut isigalugit siunnersuinnissaminut pilersarusiornissaminullu tunngavissinneqarnissaa, aamma

6) ilinniarnertuunngorniarfiup imaluunniit ilinniartup akuerisaasup ilinniartup ilinniarnermi pissarsiarisai pillugit angajoqqaatut oqartussaassuseqartunut ilisimatitsissuteqarnissamut tunngavissinneqarnissaa.

Naliliisarnerup aaqqissuunneqarnera

§ 45. Rektorip imaluunniit ilinniarfimi akuerisaasumi pisortap qulakkiissavaa holdit atuatigillu tamarmik naliliiffigineqarnissaannut pilersarusiortoqartarnissaa makkunanga imalimmik:

1) Holdit atuatigillu ilinniarfiup iluani misilitsittarnerannut takussutissiaq.

2) Ilinniarnerup ingerlanerani qaqugukkut angusanut tunngatillugu karakteriliisoqartarneranut takussutissiaq.

3) Ilinniartoq ingerlaavartumik aaqqissuussamillu qanoq angusaqarsimaneq pillugu ilinniartitsissutini tamani ilisimatitsissuteqartarnissamut pilersaarut, tamatumunga ilanngullugu oqaaseqaateqarneri.

4) Nalilersuisarnerit ilinniartunik siunnersuineri atorineqarnissaannut pilersaarutit.

5) Ilinniartut tamarmik nalilersuiffigineqarneranni angusat pillugit angajoqqaatut oqartussaassuseqartut ilisimatinneqarnissaannut pilersaarut.

§ 46. Ilinniartitsissutini ataasiakkaanik ilassutitullu ilinniagassanik ilinniarnermi semesterimut ataatsimut minnerpaamik ataasarluni angusanut tunngatillugu karakteriliisoqartassaaq aamma ilinniartitsissutit ataasiakkaat ilinniarneqarneri imaluunniit ilassutit ilinniarneri semesterinit marluusunit sivikinneruppata minnerpaamik marloriarluni angusanut tunngatillugu karakteriliisoqartassaaq.

§ 47. Ilinniarnertuunngorniarfik imaluunniit ilinniarfik akuerisaasoq ukiut atuarfusut naaneri tamaasa ilinniartut ilinniarfiup iluani misilitsinnermi karakterii aamma inaarutaasumik angusat pillugit karakterii pillugit uppersaasiortassaaq. Uppersaasat ilinniartumit pissarsiariuminartuussaaq aamma atortut elektroniskiusut atorlugit pissarsiariuminartuussalluni.

Imm. 2. Ukiumi atuarfusumi angusat pillugit karakterit tamarmik akunnaallisarneqanngitsut agguaqatigiissinnerat ilinniartitsissutit ataasiakkaat imaluunniit ilassutit ilinniarneri ukiuni arlalinni sivissuseqassappata ilinniartup ingerlaqqinnissamut tunngavigisaanut ilaatinneqassapput.

Angajoqqaatut oqartussaassuseqartut ilisimatinneqartarnerat

§ 48. Ilinniartup ilinniarnermi pissarsiaanut tunngatillugu ilinniarnertuunngorniarfiup imaluunniit ilinniarfiup akuerisaasup qanoq isiginninnera pillugu angajoqqaatut oqartussaassuseqartut akulikitsumik ilisimatinneqartassapput.

Imm. 2. Ilisimatitsisoqartassaaq angusat pillugit karakteriliinerni tamani.

Imm. 3. Ilisimatitsineq ilinniartup angusanut tunngatillugu karakterii aammalu misilitsinnerni karakterii, kiisalu ilinniartup atuarnerni tamakkiisumik pissarsiai pillugit oqaloqateqarnissamut neqerooruteqarnikkut pisassaaq.

§ 49. Ilinniartunut angajoqqaatut oqartussaassuseqartunit oqartussaaffigineqanngitsunut angerlarsimaffimmut ilisimatitsineq ilinniartup akuersereerneratigut aatsaat ingerlanneqarsinnaavoq.

Ingerlaqqinneq

§ 50. Ilinniartitsissutit ataasiakkaat ilassutitulluunniit ilinniarnernit ukiuni arlalinni sivilissuseqassappata ukiumut atuarfussamut tullermut taamaallaat ingerlaqqittoqarsinnaavoq ilinniartuq ilinniarnerni naammaginnartumik aatsaat pissarsisimappat.

Imm. 2. Ukiup atuarfussup naanerani rektorip imaluunniit ilinniarfimmi akuerisaasumi pisortap nalilersussavai ilinniartup angusarissimasai aamma ilinniarnerni pissarsiarissimasai.

Imm. 3. Ilinniartuq ingerlaqqinnissamut pisinnaatitaaffeqarpoq ilinniartup ukiup atuarfussup naanerani angusaqarnissamik piumasaqaatit naammassisimagunigit, tak. Ilinniarnertuunngorniarluni ilinniakkami naliliisarneq aamma uppersaasiisarneq pillugit Namminersorlutik Oqartussat nalunaarutaanni § 95, imm. 4.

§ 51. Rektorilli imaluunniit ilinniarfimmi akuerisaasumi pisortap § 50, imm. 3 naapertorlugu ilinniartup ukiup atuarfussup tullianut ingerlaqqissinnaanera itigartitsissutigisinnavaa ilinniartuq maannamut ilinniarnerni pissarsiarissimasaminik naammaginnartumik angusaqarsimangippat. Rektorip imaluunniit ilinniarfimmi akuerisaasumi pisortap tassunga ilanngullugu nalilissavaa ilinniartup ilinniarni naammassisinnaaneraa, tassunga ilanngullugu perorsaanikkut immikkut ikiorsiissutaasunik aqqissuussisoqarneratigut, tamatumunga ilanngullugu immikkut aqqissuussamik siunnersuinikkut iliuuseqarnerit aqqutigalugit ilinniartup ilinniarni naammassisinnaaneraa.

§ 52. Ilinniartuq ingerlaqqinnissamut itigartitaappat ilinniartuq ilinniarnernit anisinneqassaaq.

Imm. 2. Ilinniarnertuunngorniarfik imaluunniit ilinniarfik akuerisaasoq ilinniartumik anisitsinnermi ilinniartumut taassumalu angajoqqaatut oqartussaaffigisaanut ilinniarnerni ingerlaqqinnissamut periarfissat allat pillugit, tassunga ilanngullugu ilinniartitsissummut allamut imaluunniit ilinniarnernut allamut nuussinnaaneq pillugu ilitsersuussissaaq.

Inaarutaasumik naliliineq

§ 53. Inaarutaasumik naliliineq ilinniartitsissummik ataatsimik arlalinnilluunniit soraarummeernikkut pissaaq.

§ 54. Ilinniarnertuutut soraarummeertoqarsinnaavoq ilinniartitsissutini ataasiakkaani ilinniartitsissutini pinngitsoorani peqataaffigisassani misilitsinnermi, ilinniartitsissutini toqqagassani pisariaqartunik

amerlassusilinni aamma ilinniartut ataasiakkaarlutik ilinniarnermi suliaanni karakterinik katiterinikkut.

§ 55. Ilinniartitsissutini ataasiakkaani aamma ilassutitut ilinniarnermi soraarummeerutigineqarsinnaapput ilinniarnertuunngorniarnermi ilinniartitsissutit tamarmik, taamaallaat ilinniartitsissutit timersorneq, nipilersorneq aamma assilissanik eqqumiitsuliorneq killiffik C-miittoq pinnagit kiisalu ilinniartitsissutit science ilinniarnermilu periutsit pinnagit.

§ 56. Misilitsinnerit § 54-imi pineqartut imminnut ilinniartittunit ingerlanneqassapput, tak. 6, imm. 1.

Imm. 2. Imminnut ilinniartittut laboratoriami misileraanermik misilitsikkusuttut ilinniartitsissummi sungiusaatinik sammisamut tunngassuteqartunik naammassinnissimanerminnut uppersaasat tunniutissavaat imaluunniit imminnut ilinniartittut laboratoriami pikkorissarsimassapput.

Imm. 3. Ilinniarnertuunngorniarniit imaluunniit ilinniarniit akuerisaasut ataasiakkaat immikkut ittumik pissuteqartoqartillugu laboratoriami pikkorissaasinnaapput. Taamaattoqassappat minnerpaamik ukiumut ataasiarluni laboratoriami pikkorissaasoqartassaaq. Laboratoriami pikkorissaanerup imarissavai ilinniartitsissutini misilitsinnissamut piumasaqaataasuni sungiusaatinik sammisamut tunngassuteqartunik sungiisarnissamut pisariaqartut.

Imm. 4. Ilinniarnertuunngorniarniit ataasiakkaani rektori imaluunniit ilinniarniit akuerisaasumi pisortaq tigussaasumik nalilersuernerneq aalajangiissapput laboratoriami pikkorissaasoqassanersoq.

§ 57. Inaarutaasumik nalilersuinerneq siunertaavoq angusat karakterilerneqarnerisigut pikkorissartup ilinniakkani pikkorissarfusuni ilikkagassatut siunniussanik qanoq pissarsiaqartigisimanerani uppersaasissaq.

Imm. 2. Inaarutaasumik nalilersuineq tunngaviuvoq ilinniartitsissutini ataasiakkaanik imaluunniit ilassutitut ilinniagassanik ilinniagaqarsimanermut uppersaasammik tunniussinissamut imaluunniit ilinniartitsissutit ataasiakkaat ilassutitulluunniit ilinniarniit ilinniartitsissutit ataatsimoortut ilinniarneqarsimanerannut uppersaasammik tunniussinissamut.

Naliliisarnep aqqissuunneqarnera

§ 58. Soraarummeerneq piffissami immikkut soraarummeernissamut immikkoortitami ingerlanneqartassaaq, ukiut atuarnissut ataasiakkaat naammassinerannut atatillugu.

Imm. 2. Kulturilerneq pillugu ilinniartitsissummi C-mi soraarummeerneq decembarip qaammataani ingerlanneqarsinnaavoq. Soraarummeernerit nalinginnaasut allat maajimi juunimilu ingerlanneqartassapput (Aasaanerani soraarummeerneq). Napparsimasunik soraarummeersitsineq aggustimi-septembarimi ingerlanneqartassaaq. Ilinniartitaanermut Naalakkersuisoqarfik pineqartut saniatigut ukiup ingerlanerani piffissani allani soraarummeertoqarnissaanut akuersisinnaavoq.

Imm. 3. Misilitsinnerit aqqissuunneqarlutillu ingerlanneqartassapput kapitali 6-imi tamatumunga tunngasumik aalajangersakkat naapertorlugit.

§ 59. Imminnut ilinniartittut misilitsinnissaannut piffissarititap ilinniarnertuunngorniarniit imaluunniit ilinniarniit akuerisaasumi ilinniartitsissummik pineqartumik misilitsinnermut piffissarititaq malissavaa.

Imm. 2. Imminut ilinniartittup nammineerluni ilisimasassavaa qaqugukkut misilitsittoqassanersoq.

§ 60. Naliliineq ingerlanneqartassaaq oqaluttariarsorluni misilitsinnertigut, allattariarsorluni misilitsinnertigut, ilinniarnermi suliaqarnikkut, ajornanngippat suliaqarluni misilitsinnikkut aammalu ajornanngippat pisimasuutitaliornikkut.

§ 61. Misilitsinnerit aaqqissuunneqassapput ataatsimut isigalugu ilinniartitaanerup siunertaanut naapertuuttumik ilinniartullu ataasiakkaarlutik nalilersorneqarnissaannik isumannaarisumik.

§ 62. Ilinniarnertuunngorniarnarfik ilinniarnertuunniit akuerisaasoq ilikkagassatut pilersaarutaasunut maleruagassat naapertorlugit misilitseriaatsit assigiinngitsut akornanni toqqaasinnaappat, toqqaaneq ilinniartumut atugassarititaasut pissutsillu atuuttut eqqarsaatigalugit pissaaq.

§ 63. Pikkorissaaneq 1. semesterip naanerani soraarummeernermik imaqsinnaavoq, taamaattoq taamaallaat Kulturilerineq pillugu ilinniartitsissummut C-mut tunngatillugu. Pikkorissaaneq ukiumi atuarfusumi ilinniartitsissutip naammassineqarnissaa sioqqullugu soraarummeernermik imaqsinnaavoq.

§ 64. Ilinniarnertuunngorniarnarfup imaluunniit ilinniartittut akuerisaasup ilinniartitsinnermi pikkorissaaneq tamarmiisoq aaqqissuutissavaa uku eqqarsaatigalugit:

- 1) ilinniartitsissummi ataatsimi nalunaaquttap akunneri atuartsiviusussat tamarmik ingerlanneqarsimanissaat piffissap soraarummeerfusussap aallartinneqannginnerani, aamma
- 2) ilinniartitsissut allattariarsorluni oqaluttariarsorlunilu misilitsinnermik naggaserneqassappat pikkorissartup misilitsinnerup ilaanik allattariarsorluni oqaluttariarsorlunilu soraarummeernissaa.

§ 65. Pikkorissartut imminnut ilinniartittut misilitsinnissamut nalunaaruteqartut ingerlaannartumik misilitsissapput.

Imm. 2. Pikkorissartuq ilinniartitsissummik ataatsimik arlalinnilluunniit misilitsikkusunngikkuni piffissap soraarummeerfusussap aallartinnginnerani piaarnerpaamik nammineerluni peqataaniannginnini nalunaarutigissavaa.

Imm. 3. Imminnut ilinniartittut pikkorissarnissamut allatsissimanngitsut imaluunniit siusinnerusukkut allatsissimasut namminneerlutik pikkorissarnissamut peqataarusullutik nalunaassapput.

§ 66. Soraarummeernissamut peqataarusulluni peqataarusunnanilu nalunaarneq pissaaq ilinniarnertuunngorniarnarfimmu imaluunniit ilinniarnertuunniit akuerisaasumut pikkorissartut allatsiffigisimasaanut saaffiginninnikkut.

§ 67. Misilitsinnissamut peqataarusulluni nalunaarneq pissaaq aasaanerani soraarummeernissaq sioqqullugu kingusinnerpaamik ulloq 15. december, ukiorlu taanna ukiukkut soraarummeernissaq sioqqullugu kingusinnerpaamik ulloq 15. august.

Imm. 2. Ilinniartitsissummik soraarummeeruteqarnissamut taamaallaat nalunaaruteqartoqsinnaavoq ukiuni pingasuni ilinniarnertuunngorniarnernup piffissami pineqartumi inaarutaasumik misilitsiffiunerani.

Imm. 3. Pikkorissartut ilinniarnertuunngorniarluni ilinniakkami naliliisarneq aamma uppersaasiisarneq pillugit Namminersorlutik Oqartussat nalunaarutaanni § 32 naapertorlugu ilinniarnerminni suliaqarusuttut suliassat aallartinneqarnissaat kingusinnerpaamik qaammatinik marlunnik sioqqullugu nalunaaruteqassapput. Ilinniarnermut atatillugu taamaallaat suliaqartoqarsinnaavoq ilinniarnertuunngorniarfiup imaluunniit ilinniarfiup akuerisaasup ilinniarnermut atatillugu sulianik allanik isumannaarinerani.

§ 68. Pikkorissartut imminnut ilinniartittutut inissisimasut imaluunniit imminnut ilinniartittuusut ilinniarnertuunngorniarfimmil ilinniartitsissutinik ataasiakkaanik ilassutitullu ilinniagassanik ilinniagaqarnissamut ilaatinneqanngillat ilinniarnertuunngorniarfimmilu ilinniartitsinermut malinnaanissamut pisussaataitanatik.

§ 69. Censori ilisimatinneqassanngilaq misilitsinnermut peqataasup immnut ilinniartittutut misilitsinnermut ilaatinneqarnera pillugu.

Kapitali 7

Uppersaasiineq

§ 70. Ilinniartup soraarummeerluni angusereernermini pissarsiarissavai ilinniartitsissutinik ataasiakkaanik imaluunniit ilassutitut ilinniagassanik ilinniagaqarsimanermut uppersaatit imaluunniit ilinniartitsissutini ilinniartup ilinniartitsissutinik ataatsimoortunik naammassiffigisimasaani soraarummeernermi uppersaatit karakterinik imallit.

Imm. 2. Ilinniartitsissutinik ataasiakkaanik ilassutitullu ilinniagassanik ilinniagaqarsimanermut uppersaatip imarissavai ilinniartitsissummi imaluunniit ilinniartitsissutini ilinniartup naammassisimasaani angusanut tunngatillugu karakterii aamma ilinniarfiup iluani misilitsinnermi karakterii kiisalu kisimiilluni ilinniarnermi suliaanut tunngatillugit karakterii.

Imm. 3. Ilinniartitsissutinik ataasiakkaanik ilassutitullu ilinniagassanik ilinniagaqarsimanermut uppersaammi allanneqassaaq ilinniartup immnut ilinniartittutut inissisimasimaneq, tak. § 6, imm. 1-imi malittarisassat.

Imm. 4. Ilinniartoq ilinniartitsissutit ataasiakkaat katiterlugit ilinniarnertuutut soraarummeersimanngippat ilinniartitsissutini ilinniartup naammassisimasaani karakterit agguaqatigiissillugit naatsorsorneqassanngillat.

§ 71. Ilinniartup ilinniartitsissutit ilinniakkap sammivissaatut toqqarsimasami ilaasut tamaasa malinnaaffigisimappagit ilinniagassatut toqqakkami ilinniartitsissummut qaffasissusermullu assingusumik ilinniartoq angusaqarsimappat ilinniarnertuunngorniarfiup imaluunniit ilinniarfiup akuerisaasup ilinniartitsissutini ataasiakkaani ilinniarnertuutut soraarummeernermi uppersaat tunniutissavaa.

§ 72. Ilinniartut inaarutaasumik misilitsissimanatik ilinniarnermi unitsitsippata ilinniartup piimasaqarneratigut ilinniarnertuunngorniarfik imaluunniit ilinniarfittut akuerisaasoq uppersaammik suliaqassaaq. Uppersaammi takuneqarsinnaassapput ilinniartitsissutit sorliit ilinniartup peqataaffigisimanerai, ilinniarnertup ilaanik naammassinnissimanermut uppersaat, ingerlaavartumik

nalilersuisarnermit angusat kiisalu paasissutissat allat ilinniartup nalilersuinnermut tamarmiusumut ilaatikkusutai.

Imm. 2. Ilinniakkamik naammassinnissimanermit uppersarsaammik tunineqassagaanni piumasaqaataavoq ilinniartup ilinniarnermi peqataanissamut ilinniarnermi ileqqorissaarnissamullu malittarisassanik malinninnissamut piumasaqaatinik naammassinnissimanissaa.

§ 73. Ilinniartuq ilinniartitsissummi assigiimmik qaffasissusilimmi arlaleriarluni misilitsissimaguni, soraarummeernermilu karakterit pillugit naammagittaalliuuteqarnerata malitsigisaanik aamma ilinniartup uppersarsinnaappagu ilinniarfigerusutamut isissagaanni karakterit aalajangersimasut anguneqarsimasussaasut misilitseqqinnermi angusarineqartut soraarummeernermi uppersarsaammut ilanngunneqassapput.

§ 74. Ilinniarnernup soraarummeerutigineqarnerata kinguninnguutigut ilinniarsimanermit uppersarsaat tunniunneqassaaq.

§ 75. Naliliisarneq uppersarsaasiisarnerlu pillugit malittarisassat allat Ilinniarnertuunngorniarluni ilinniakkami naliliisarneq aamma uppersarsaasiisarneq pillugit Namminersorlutik Oqartussat nalunaarutaanni § 5-imi, § 7-imi, §§ 23-38-ni, § 42-mi, § 43, imm. 1-imi aamma 2-mi, §§ 44-54-ni, §§ 69-82-ni, § 85-imi, § 86-imi, § 97-imi aamma § 98-imi malittarisassat malippaat.

Kapitali 8

Naammagittaalliuuteqarsinnaaneq aningaasalersuinnerlu

Naammagittaalliuut

§ 76. Ilinniartuq imaluunniit ilinniartuq angajoqqaatut oqartussaaffigineqarpat angajoqqaatut oqartussaasut nalunaarut manna naapertorlugu rektorip imaluunniit ilinniarfiup akuerisaasup pisortaata aalajangiinneranik, aalajangiinnerup nalunaarutigineqarneranit sapaatit akunneri marluk qaangiutsinnagit Ilinniartitaanermit Naalakkersuisoqarfimmut inaarutaasumik aalajangiisussamut naammagittaalliuuteqarsinnaapput.

Imm. 2. Naammagittaalliuut tunngavilersorneqarsimassaaq.

Imm. 3. Naammagittaalliuut imm. 1-imi naammagittaalliornissamut piffissarititaq qaangiutsinnagu ilinniarnertuunngorniarfimmi rektorimut imaluunniit ilinniarfimmi akuerisaasumi pisortamut allaganngorlugu tunniunneqassaaq, rektorip pisortalluunniit naammagittaalliuut Ilinniartitaanermit Naalakkersuisoqarfimmut suliamut tunngatillugu oqaaseqaatiminik ilalerlugu ingerlateqqissavaa. Suliap ingerlateqqinneqannginnerani ilinniarnertuunngorniarfimmi rektorip imaluunniit ilinniarfimmi akuerisaasumi pisortap naammagittaalliuuteqartoq sapaatip akunnerata ataatsip ingerlanerani oqaaseqaammut oqaaseqaateqarnissamut periarfississavaa. Naammagittaalliuuteqartup oqaaseqaatigisinnaasai ilanngullugit Naalakkersuisoqarfimmut nassiunneqassapput.

Imm. 4. Rektorip imaluunniit ilinniarfimmi akuerisaasumi pisortap aalajangiinerata allanngortinneqannginnissaa pillugu imm. 1-imi piumasaqaatit eqqortinneqanngippata maalaarutip itigartinneqarnissaanik, maalaaruteqartoq ilalerlugu aalajangiinnerup allanngortinneqarnissaanik

imaluunniit aalajangiineq suliareqqitassanngorlugu rektorimut imaluunniit ilinniartimmi akuerisaasumi pisortamut uterteqqinnissaanik ilinniartitaanermut Naalakkersuisoqarfik aalajangiisinnaavoq.

Imm. 5. § 35, imm. 1 naapertorlugu iliuuseqarnissamik aatsaat aalajangiisoqarsinnaavoq ilinniartuq ilinniartorlu angajoqqaatut oqartussaaffigineqarpat taassuma angajoqqaatut oqartussaasui piffissaqartitsilluarluni tusarniaaffigineqarsimappata. Tusarniaanermi piffissaliussaq nalinginnaasumik tusarniaavigineqartussamut nalunaaruteqarnermiit ullunik marlunnik sivilisunerusariaqanngilaq, taamaattoq tak. Ilinniarnertuunngorniartfinni ilinniarnermut ileqqorissaarnermullu malittarisassat pillugit Namminersorlutik Oqartussat nalunaarutaanni § 10, imm. 3.

Aningaasalersuineq

§ 77. Ilinniartitsissutinik ataasiakkaanik ilassutitullu ilinniagassanik ilinniagaqarneq akeqanngilaq ilinniartup uppersarsinnaappagu ilinniagassamut aalajangersimasumut ilinniartup kingusinnerusukkut ilinnialerusutaanut tunngatillugu ilinniartitsissut piginnaasaqalissutaasussaasoq.

Imm. 2. Ilinniartitsissutinik ataasiakkaanik ilassutitullu ilinniagassanik ilinniagaqarneq akeqanngilaq ilinniartuq piginnaasaqalissutaasussamik siusinnerusukkut ilinniagaqarsimanngippat.

Imm. 3. Ilinniartuq ilinniagaqarnissamik siunnerfeqarani ilinniartitsissutinik ataasiakkaanik ilassutitullu ilinniagassanik piginnaangorsaataasumik ilinniagaqarusukkuni nammineerluni ilinniarnerniut akiliuteqassaaq.

§ 78. Imminnut ilinniartittut siusinnerusukkut ukiuni pingasuni ilinniarnertuunngorniarnermi imaluunniit ilinniartitsissutinik ataasiakkaanik ilassutitulluunniit ilinniagassanik ilinniagaqarsimanngitsut imaluunniit tiguneqarsimanngitsut soraarummeernerannut atatillugu akiliisinnegarsinnaapput.

Imm. 2. Akiliutissap annertussusissaa ilinniartitaanermut Naalakkersuisoqarfimmit aalajangersarneqassaaq ilinniartitsissullu ilinniartup malinnaaffigerusutaa sorliunersoq apeqqutaalluni akiliutissap annertussusaa nikerarsinnaavoq.

Imm. 3. Akiliutissaq ilinniarnertuunngorniartimmit imaluunniit ilinniartimmit akuerisaasumit soraarummeertitsisumit akileqquneqassaaq.

Imm. 4. Akiliutissap annertussusaa tamanut saqqummiunneqassaaq.

Atortuulersitsineq ikaarsaarnermilu aalajangersakkat

§ 79. Nalunaarut atortuulersinneqarpoq ulloq 1. december 2016.

§ 80. Nalunaarut 1. august 2016-ip kingorna pikkorissarlutik aallartittunut atuutsinneqassaaq.

Namminersorlutik Oqartussat, ulloq 17. november 2016

Doris Jakobsen

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut